



1	4
1555	
48	

48



1952

樂府補題

Red seal impression

門 4  
號 1555  
卷 48

樂府補題

昭和十九年  
一月十日  
購求

樂府補題

天香

宛委山房擬賦龍涎香

玉筍王 沂孫 聖與

孤嶠蟠烟層濤蛻月驪宮夜採採一作鉛水汛逝遠一作  
槎風夢深微露化作斷魂心字紅蕤候火還乍識冰  
環玉指一縷紫簾翠影依稀海山雲氣 幾回帶嬌  
半醉翦春燈夜寒花碎更好故溪飛雪小窗深閉荀  
令如今頓老總忘却尊前舊風味謾惜餘薰空篝素

樂府補題

被

蘋洲周 密 公謹

碧腦浮冰紅薇染露驪宮玉唾誰擣麝月雙心鳳雲  
百和寶玦珮環爭巧濃薰淺炷疑醉度千花春曉金  
餅著衣餘潤銀葉透簾微裊 素被瓊篝夜悄酒初  
醒翠屏深杳一作一縷舊情空趁斷烟飛繞羅袖餘  
馨漸少悵朱閣淒涼夢難到誰念韓郎清愁漸老

天柱王 易簡 理得

烟嶠收痕雲沙擁沫孤棹萬里春聚蠹杵冰塵水研

花片帶得海山風露纖痕透曉銀鑊小初浮一縷  
翦紗窗暗燭深垂繡簾微雨 餘馨惱人最苦染羅  
衣少年情緒謾省珮珠曾解蕙羞蘭妒好是芳鉤翠  
嫵恨素被濃薰夢無據待翦秋雲殷勤寄與

友竹馮 應瑞 祥父

枯石流痕殘沙擁沫驪宮夜蟄驚起海市收時鮫人  
分處誤入眾芳叢裏春霖未就都化作淒涼雲氣惟  
有清寒一點消磨小窗殘醉 當年翠篝素被拂餘  
薰倦懷如水謾惜舞紅猶在為誰重誠幾片金昏字

吳斤不是

古向故篋聊將伴憔悴口口口口口口口口

瑤翠唐 藝孫 英發

螺甲磨星犀株杵月蕤英嫩壓拖水海蜃樓高仙娥  
鈿小縹緲結成心字翦煤候暖載一朶輕雲不起銀  
葉初生薄暈金猊旋翻纖指 芳杯惱人衝醉碾微  
馨鳳團閒試滿架舞紅都換懶收珠珮幾片菱花鏡  
裏更摘索雙鬟伴秋睡早是新涼重薰翠被

紫雲呂 同老 和甫

冰片鎔肌水沉換骨蜿蜒夢斷瑤一作瀛島蕩碎腥雲

杵勻枯沫妙手製成翻巧金篝候火無似有微薰初  
好簾影垂風不動屏深護春宜小 殘梅舞紅褪了  
珮珠寒滿懷清峭幾度酒餘重省舊愁多少荀令風  
流未減怎奈向飄零賦情老待寄相思仙山路杳

負房李 彭老 商隱

搗麝成塵蓄 微注露風酣日和花氣品重雲形一作頭  
葉翻蕉樣說內家新製波浮海沫誰喚覺鮫人春  
清潤俱饒片腦一作半是沉水 相逢酒邊  
火初溫翠燭烟細不似寶珠金縷領巾紅墜荀

令如今憔悴消未盡當時愛香意燼煖燈寒秋聲素  
被

五松李 居仁 師呂

瀛嶠浮烟滄波挂月潛虬睡起清曉萬里槎程一番  
花信付與露微冰腦纖雲漸暖凝翠席氤氳不了銀  
葉重調火活珠簾日垂風悄 螺屏酒醒夢好繡羅  
幃依舊痕少幾度試拈心字暗驚芳抱隱約仙舟作  
洲路杳謾珮影玲瓏護嬌小素手金篝春情未老

水龍吟

浮翠山房擬賦白蓮

蘋洲周 密 公謹

素鸞飛下青冥舞衣半惹涼雲碎藍田種玉綠房迎  
曉一奩秋意擎露盤深憶君清夜暗傾鉛水想鴛鴦  
正結梨雲好夢西風冷還驚起 應是飛瓊仙會倚  
涼颼碧簪斜墜輕妝鬪目一作白明璫照影紅衣羞避  
霽月三更粉雲千點靜香十里聽湘絃奏徹冰綃偷  
翦聚相思淚

天柱王 易簡 理得

翠裳微護冰肌夜深暗泣瑤臺露芳容淡泞風神蕭  
散凌波晚步西子殘妝環兒初起未須勻注看明璫  
素襪相逢憔悴當應被西薰一作風誤十里雲愁雪  
妬抱淒涼盼嬌無語當時姊妹朱顏褪酒紅衣按舞  
別浦重尋舊盟唯有一行鷗鷺伴玉顏月曉盈盈冷  
豔洗人間暑

宛委陳 恕可 行之

素姬初宴瑤池環環誤落雲深處分香華井洗妝湘  
渚天姿淡泞碧盞吹涼玉冠迎曉盈盈笑語記當時

乍識江明夜靜

一作淨

只愁被嬋娟誤

幾點沙邊飛

鷺蒼盟寒遠迷烟雨相思未盡織羅曳水清鉛泣露  
玉鏡臺空銀瓶縷絕斷魂何許待今宵試探一作探中  
流一葉共凌波去

菊山唐

珏

玉潛

淡妝人更嬋娟晚奩淨洗鉛華膩冷冷月色蕭蕭風  
度嬌紅斂避太液池空霓裳舞倦不堪重記軟冰魂  
猶在翠輿難駐玉簪為誰輕墜 別有凌空一葉泛  
清寒素波千里珠房淚溼明璫恨遠舊遊夢裏羽扇

生秋瑤樓不夜尚遺仙意奈香雲易散綃衣半脫露涼如水

紫雲呂 同老 和甫

素肌不汗天真曉來玉立瑤池裏亭亭翠蓋盈盈素  
靨時妝淨洗太液波翻霓裳舞罷斷魂流水甚依然  
舊日濃香淡粉花不似人憔悴 欲喚凌波仙子泛  
扁舟浩波千里只愁回首冰簾一作半掩明璫亂墜  
月影淒迷露華零落小闌誰倚共芳盟猶有雙棲雪  
鴛夜寒驚起

月洲趙 汝鈞 真卿

露華洗盡凡妝玉妃來侍瑤池宴風裳水珮冰肌雪  
豔清涼不汗解語情多淩波步穩酒容易一作散想  
溫泉浴罷天然真態渾疑是宮妝淺 暗想一作淒  
愁別岸紛痕消香腮凝汗雪空冰冷此情唯許鴛知  
鷗見羽扇微搖翠帷低擁清涼庭院待夜深月上闌  
干更邀取姮娥伴

玉筍王 沂孫 聖與

淡妝不掃蛾眉爲誰踟立羞明鏡真妃解語西施淨



洗娉婷顧影薄露初勻纖塵不染移根玉井想飄然  
一葉颼颼短髮中流臥浮烟艇 可惜瑤臺路迴抱  
淒涼月中誰一作難認相逢還是冰壺浴罷牙牀酒醒  
步襪空畱羽衣微褪粉殘香冷望海山依約時時夢  
想素波千頃

五松李 居仁 師呂

樂仙羣擁宸遊素肌似怯波心冷霜裳綺夜冰壺凝  
露紅塵洗盡弄玉輕盈飛瓊綽約淡妝臨鏡更多情  
一片碧雲不掩籠嬌面回清影 菱唱數聲年聽載

名娃藕絲繁艇雪鷗沙鷺夜來同夢曉風吹醒酒暈  
全銷粉痕微漬色明香瑩問此花盍貯瑤池應未許  
繁紅並

玉田張 炎 叔夏

仙人掌上芙蓉娟娟猶溼一作裏金盤露淡妝照水  
纖裳立玉無言一作似舞幾度銷疑滿湖烟月  
一汀鷗鷺記小舟清夜一作夜悄波明香遠渾不見花開  
處 應是浣紗人妒褪紅衣被誰輕誤閒情淡雅冶  
容清潤憑嬌待語隔浦相逢偶然傾蓋似傳心素怕

湘皋珮解綠雲十里捲西風去

別本後闕云應是浣紗人妒褪紅衣被誰

輕悞六郎意態何郎標格洽然意趣待折瓊芳楚江難涉謾搖心素怕湘娥佩解綠雲十里捲西風去

玉筍王沂孫聖與

翠雲遙擁環妃夜深按徹霓裳舞鉛華淨洗娟娟出  
浴盈盈解語太液荒寒海山依約斷魂何許甚人間  
別有冰肌雪豔嬌無那頻相顧三十六陂烟雨甚  
淒涼向誰一作有誰向堪訴如今謾說仙姿自潔芳心  
更苦羅襪初停玉璫還解早凌波去試乘風一葉重  
來月底與脩花譜

摸魚兒

紫雲山房擬賦尊

天柱王易簡理得

怪鮫宮水晶簾捲冰痕初斷香縷澄波蕩槩人初到  
三十六陂烟雨春又去伴點點荷錢隱約吳中路相  
思日暮恨洛浦娉婷芳鈿翠翦奩影照護楚功名  
夢消得西風一度高人今在何許鱸香菰冷斜陽裏  
多少天涯意緒誰記取但枯鼓紅鹽漕玉凝秋筋尊  
前起舞算唯有淵明黃花歲晚此興共千古

佚名

過湖鼻碧龍驚起冰涎猶護髻影春洲未有菱歌伴  
 獨古墓烟千頃呼短艇試翦取纖條玉溜青絲瑩尊  
 前細認似水面新荷波心半掩點點翠鈿淨 淒涼  
 味酪乳那堪比並吳鹽一筋秋冷當時不為鱸魚去  
 聊爾動一作勤渠歸興還記省是幾度西風幾度吹愁  
 醒鷗昏鴛暝謾換得霜痕蕭蕭兩鬢羞與共秋鏡

菊山唐

丘

玉潛

漸滄浪凍痕銷盡瓊絲初漾明鏡鮫人夜翦龍鬣滑

織就水晶簾冷鳧葉淨最好似嫩荷半捲浮晴影玉  
 流翠凝早枯豉融香紅鹽和雪醉齒嚼清瑩 功名  
 夢曾被秋風喚醒故人應動高興悠然世味渾如水  
 千里舊懷誰省空對景奈回首姑蘇臺畔愁波暝烟  
 寒夜靜但只有芳洲蘋花共一作興老何日泛歸艇  
 玉簾寒翠絲微斷浮空清影零碎碧芽也抱春洲怨  
 雙捲小絨芳字還又似繫羅帶相思幾點青鈿綴吳  
 中舊事悵酪乳爭奇鱸魚謾好誰與共秋醉 江湖

玉筍王

沂孫

聖與

興昨夜西風又起年年輕誤歸計如今不怕歸無隼  
却怕故人千里何況是正落日垂虹怎賦登臨意滄  
浪夢裏縱一舸重遊孤懷暗老餘恨渺烟水

箕房李 彭老 商隱

過垂虹四橋飛雨沙痕初漲春水腥波十里吳歛遠  
綠蔓半縈船尾連復碎愛滑卷青綃香裊冰絲細山  
人雋味笑杜老無情香羹碧澗空祇賦芹美 歸期  
早誰似季鷹高致鱸魚相伴菰米紅塵如海邱園夢  
一葉又秋風起湘湖外看采擷芳條際曉隨魚市舊

遊謾記但望裏江南秦鬟賀鏡渺渺隔烟翠

齊天樂

餘閒書院擬賦蟬

紫雲呂 同老 和甫

綠陰初蔽林塘路淒淒乍流清韻倦咽高槐驚嘶別  
柳還憶當時曾聽西窗夢醒歎絃絕重調理空難整  
綽約冰綃夜深誰念露華冷 不知身世易老一聲  
聲斷續頻報秋信墜葉山明疎枝月小惆悵齊姬薄  
倖餘音未盡早枯翼飛仙暗嗟殘景見洗冰奩怕翻

雙翠鬢

天柱王 易簡 理得

翠一作碧雲深鎖齊姬恨纖柯暗翻冰羽錦瑟重調綃

衣乍著聊飲人間風露相逢甚處記槐影初涼柳陰

新雨聽盡殘聲為誰驚起又飛去 商量秋信最早

晚來吟未徹却一作都是淒楚斷韻還連餘悲似咽欲

和愁邊佳句幽期誰語怕寒葉凋零蛻痕塵土古木

斜暉向人懷抱苦

玉筍王 沂孫 聖與

綠陰千樹西窗曉厭厭晝眠驚起嫩翼風微流鶯

悄半翦冰箋誰寄淒涼劬耳謾重拂琴絲怕尋冠珥

夢短宮深向人猶與訴憔悴 殘虹收盡過雨晚來

頻斷續都是秋意病葉難畱纖柯易老空憶斜陽身

世山明月碎甚已絕餘音尚餘一作遺 枯蛻鬢影參差

斷魂青鏡裏

蘋洲周 密 公謹

槐陰忽送清冷一作商 怨依稀乍聞還歇故苑愁長一作

深危枝一作絃 調苦前夢蛻痕枯葉傷情念別是幾度

斜陽幾回殘月轉眼西風一襟幽恨向誰說  
輕鬟猶記動影翠奩應怪我雙鬢如雪枝冷頻移葉疎猶  
抱空負好秋時節淒淒切切漸迤迤黃昏砌菴相接  
露洗餘悲暮寒聲更咽

宛委陳 恕可 行之

碧柯搖曳聲何許陰陰晚涼庭院露溼身輕風生翅  
薄昨夜綃衣初翦琴絲宛轉弄幾曲新聲幾番淒惋  
過雨高槐爲渠一洗故宮怨 清虛襟度漫與向人  
低訴處幽思無限敗葉枯形殘陽絕響消得西風腸

斷塵情已劬任翻鬢雲寒綴貂金淺蛻羽難留頓覺  
一作 驚 仙夢遠

菊山唐 珏 玉潛

蠟一作 痕初染仙莖露新聲又移涼影珮玉流空綃  
衣翦霧幾度槐昏柳暝幽窗睡醒奈欲斷還連不堪  
重聽怨結齊姬故宮烟樹翠陰冷 當時舊情在否  
晚妝清鏡裏猶記嬌鬢亂咽頻驚餘悲漸杳搖曳風  
枝未定秋期話盡又抱葉淒淒暮寒山靜付與孤蛩  
苦吟清夜永

瑤翠唐 藝孫 英發

柳風微扇閒池閣深林翠陰人靜漸理琴絲誰調金  
奏淒咽流空清韻虹明雨潤正乍集庭柯凭闌新聽  
午夢驚回有人嬌困酒初醒 西軒晚涼又嫩向枝  
頭占得銀露千頃蛻翦花輕羽一作翼翻紙薄老去易  
驚秋信殘聲送暝恨秦樹斜陽暗催光景淡月疎桐  
半窗畱鬢影

宛委陳 恕可 行之

蛻仙飛颿流空遠珊珊數聲林杪溽暑眠輕濃陰聽

久勾引淒涼多少長吟未了想猶怯高寒又移深窈  
與整綃衣滿身風露正清曉 微薰庭院晝永那回  
曾記得如訴幽抱斷響難尋餘悲獨省葉底還驚秋  
早齊宮路杳歎往事一作事往魂銷夜闌人悄謾省輕盈  
粉奩雙鬢好

山邨仇 遠 仁近

夕陽門巷荒城曲清音早鳴秋樹薄翦綃衣涼生鬢  
影獨飲天邊風露朝朝暮暮奈一度淒吟一番淒楚  
尚有殘聲鶯然飛過別枝去 齊宮往事謾省行人

吳府是

猶與說當時齊女雨歇空山月籠古樹一作柳髮髯舊  
曾聽處離情正苦甚嬾拂冰絃倦拈琴譜滿地紅霜  
一作霜紅淺莎尋蛻羽

玉笥王 沂孫 聖與

一襟遺恨宮魂斷年年翠陰庭宇一作樹乍咽涼柯還  
移暗葉重把離愁低訴西園過雨漸金錯鳴刀玉笋  
調柱鏡掩殘妝為誰嬌鬢尚如許 銅仙鉛淚似洗  
歎攜盤去遠難貯零露病翼驚秋枯形閱世消得斜  
陽幾度餘音更苦甚獨抱清高頓成淒楚謾想薰風

柳絲千萬縷

桂枝香

天柱山房擬賦懈

宛委陳 恕可 行之

西風故國記乍免內黃歸夢溪曲還是秦星夜映楚  
霜秋足無腸枉抱東流恨任年年褪匡微綠葦汀箬  
火蘆洲緯箔早寒漁屋 叙舊別芳筍薦玉正香擘  
新橙清泛佳菊依約行沙亂雪誤驚窗竹江湖歲晚  
相思遠對寒一作青燈謾懷幽獨嫩湯浮眼枯形蛻殼

樂府補遺

十四



斷魂重續

瑤翠唐 藝孫 英發

收帆渡口認遠岸夜篝松炬如晝還見沙痕雪漲一作  
際水紋霜後秦宮夢到無腸斷望明河月斜殘一作疎  
柳瑣窗相對茶邊猶記眼波頻溜 漸嫩菊初篸綠  
酒歎風味尊前瀟灑如舊幾度金橙香霧玉盤纖手  
清愁小醉淒涼裏拚今生容易消瘦草心春淺年年  
相憶看燈時候

菊山唐 珏 玉潛

松江舍北正水落晚汀霜老枯荻還見青匡似繡紺  
螿如戟西風有恨無腸斷恨東流幾番潮汐夜燈爭  
聚微光挂影誤投簾隙 更喜薦新篸玉液政半殼  
含黃一醉秋色纖手香橙風味有人相憶江湖歲晚  
聽飛雪但沙痕空記行跡至今茶鼎時時猶認眼波  
愁碧

紫雲呂 同老 和甫

松江岸側正亂葉墜紅殘浪收碧猶記燈寒暗聚籩  
疎輕入休嫌郭索尊前笑且開顏共傾芳液翠棖絲

霧玉蕊浣雪嫩黃初擘

自一作與

那日新詩換得又

幾度相逢落潮秋色常是籬邊早菊慰渠岑寂如今

謾有江山與更誰憐草泥蹤跡但將身世浮沉醉鄉

舊遊休憶

按此闕詞綜作李彭老

蛺蝶巖詞

蛻巖詞卷上

河東 張 翥 仲舉 著

六州歌頭

孤山尋梅

孤山歲晚石老樹查牙逋仙去誰為主自疎花破冰  
芽烏帽騎驢處近修竹侵荒蕪知幾度踏殘雪趁晴  
霞空谷佳人獨耐朝寒峭翠袖籠紗甚江南江北相  
憶夢魂賒水繞雲遮思無涯 又苔枝上香痕沁么  
鳳語凍蜂衙瀛嶼月偏來照影橫斜瘦爭些好約尋  
芳客問前度那人家重呼酒摘瓊朵插鬢鴉喚起春

蛻巖詞

嬌扶醉休孤負錦瑟年華怕流芳不待回首易風沙  
吹斷城笳

瑞龍吟

癸丑歲冬訪游宏道樂安山中席賓米仁則用清真詞韻賦別和以見情

鼇溪路瀟灑翠壁丹崖古藤高樹林間猿鳥欣然故人  
隱在溪山深處久延佇渾似種桃源裏白雲窗  
戶燈前素瑟清尊開懷正好連牀夜語應是山靈  
畱客雪飛風起長松掀舞誰道倦途相逢傾蓋如故  
陽春一曲總是關心句何妨共磯頭把釣梅邊徐步  
只恐匆匆去故園夢裏長牽別緒寂寞閑針縷還念

我飄零江湖烟雨腸斷歲晚客衣誰絮

多麗

為友生書所見

小庭階簾櫳婀娜蓬萊恨匆匆歸鴻度影東風搖蕩  
情懷不多時見他行過雲兒後依舊迴來銀綻雙鬢  
玉絲頭道一尖生色合歡鞋麝香粉繡茸衫子窄窄  
可身裁偶回頭笑渦透臉蟬影籠釵憶疎狂隨車  
信馬那知淪落天涯荳蔻初可憐春早菖蒲晚難見  
花開紅葉波深綵樓天遠浪憑青鳥信音乖等閒是  
這番迷眼無處可安排行雲斷夢魂不到空賦陽臺

多麗 清明上巳同甘會飲西湖壽樂園

鳳凰簫新聲遠度蘭橈漾東風湖光十里參差綠葢  
紅橋暖雲蘸鬱金衫色晴烟抹翡翠裙腰罨畫名園  
開紅芳榭蒲葵亭畔綵繩搖滿鴛鴦落英堪藉猶作  
帶人嬌漬羅袂莫揉痕退生怕香銷 憶當年尊前  
扇底多情冶葉倡條浴蘭女隔花偷盼修禊客臨水  
相招舊約尋歡新聲換譜三生夢裏可憐宵縱畱得  
棟花寒在啼鴉已無聊江南恨越王臺下幾度迴潮

多麗

西湖汎舟夕歸施成大席上以晚山青為起句各賦一詞

晚山青一川雲樹冥冥正參差烟凝紫翠斜陽畫出  
南屏館娃歸吳臺遊鹿銅仙去漢苑飛螢懷古情多  
憑高望極且將尊酒慰飄零自湖上愛梅仙遠鶴夢  
幾時醒空畱在六橋疎柳孤嶼危亭 待蘇堤歌聲  
散盡更須攜妓西泠藕花深雨涼翡翠菰蒲軟風弄  
蜻蜓澄碧生秋鬧紅駐景采菱新唱最堪聽口一片  
水天無際漁火兩三星多情月為人畱照未過前汀  
蘭陵王 臨川寓舍聞琴  
晚風惡牆外楊花正落鞦韆罷人在瑣窗猶怯春寒

下簾幙多情倦繡作恰了棠梨半萼移金雁應是自  
調盡寄深情與絃索 數聲白翎雀又歇拍多時嬌  
甚彈錯新聲舊譜多忘却想紅香憔悴錦書遶遶匆  
匆前度見畧畧甚如在天角 霧閣閉銀鑰奈夢斷  
行雲青鳥難託三生書記情緣薄記舊家歌舞那時  
行樂桃枝人面問酒家負舊約

摸魚兒

送黃任伯歸豐城時任伯先放其妾還家故及

正匆匆楚鄉秋晚孤鴻飛過南浦同來桃葉堪惆悵  
一舸載春先去愁絕處問那曲闌干曾聽人低語今

宵最苦向楓樹溪橋蘆花野館翦燭臥聽雨 吳霜  
鬢破帽西風怎護絲絲都是離緒舊情頓冷新愁重  
總付墜鞭詞譜君記取待雪夜相思乘興柴岡路唱  
子和汝要款段隨車輕盈喚酒重為國香賦

摸魚兒

臨川春遊連日病酒賦此止之

過花朝淡烟輕雨東風還又春社客懷不斷還家夢  
只泥酒杯陶寫孤館夜甚濃醉無人知道歸來也蘭  
燈半灺任賦就魚牋絃拋玉軫誰念倦司馬 長安  
市幾度攜尊命駕空驚遊興衰謝醉鄉天地無今古

爭得一襟蕭灑春縱治便不飲從教團雪揉花打觥  
籌已罷笑螺嬴喚蛤吾今真止爲報獨醒者

摸魚兒

春日西湖泛舟

漲西湖半篙新雨麴塵波外風軟蘭舟同上鴛鴦浦  
天氣嫩寒輕暖簾半捲度一縷歌雲不礙桃花扇鶯  
嬌燕婉任狂客無腸王孫有恨莫放酒杯淺 垂楊  
岸何處紅亭翠館如今遊興全懶山容水態依然好  
惟有綺羅雲散君不見歌舞地青蕪滿目成秋苑斜  
陽又晚正落絮飛花將春欲去目送水天遠

摸魚兒

題熊伯宣藏梅花卷子

記西湖水邊曾見查牙老樹如此冰痕冷沁苔枝雪  
的皜數花纔試天也似愛玉質清高不入閒紅紫孤  
山處士總賦得招魂烟荒雨暗寂寞抱香死 春風  
筆休憶深宮舊事添人多恨多思墨池雪嶺三生夢  
喚起縞衣仙子仍獨自伴瘦影黃昏和月窺窗紙聲  
聲字字寫不盡江南閒愁萬斛訴與綠衣使

摸魚兒

王季境湖亭蓮花中雙頭一枝邀予同賞而爲人折去季境悵然請賦

問西湖舊家兒女香魂還又連理多情欲賦雙蕖怨

閒却滿奩秋意嬌旖旎愛照影紅妝一樣新梳洗王  
孫正擬喚翠袖輕歌玉笋低按涼夜為花醉 鴛鴦  
浦淒斷凌波夢裏空憐心苦絲脆吳娃小艇應偷采  
一道綠萍猶碎君試記還怕是西風吹作行雲起闌  
干謾倚便載酒重來尋芳已晚餘恨渺烟水

摸魚兒 賦湘雲

問湘南有雲多少不應長是為雨平生宋玉緣情老  
贏得鬢絲如許歌又舞更一曲琵琶昵昵如私語閒  
悲浪苦怪舊日青衫空流淚滿不解畫眉嫵 空凝

竹十二峯前路阻相逢知在何處今朝重見春風手  
仍聽舊彈金縷君且住怕望斷蘅臯日暮傷離緒新  
聲自譜把江北江南今愁往恨盡入斷腸句

摸魚兒

元夕吳門姚子章席上同柯敬仲賦敬  
仲以虞學士書風入松于羅帕作批故  
未語及之楚芳吳蘭二妓名

記蘇臺舊時風景西樓燈火如畫巖城月色依然好  
無復綺羅遊冶歡意謝向客裏相逢還有思陶寫金  
樽翠竚把錦字新聲紅牙小拍分付倦司馬 繁華  
夢喚起燕嬌鶯姪肯教孤負元夜楚芳玉潤吳蘭媚



一曲夕陽西下沉醉罷君試問人生誰是無情者先  
生歸也但留意江南杏花春雨和淚在羅帕

摸魚兒

錢萬戶宜之邀予賦瑤臺景

甚瑤臺翠鸞雛小風流占斷妍景數聲何處啼春勝  
簾捲曉窗人靜天氣困梳未穩綠鬟佞墮臨妝鏡爛  
羞倦整待欽箇金花眉尖雙雁還怯翦刀冷 仙家  
好十二行雲路迥牢籠芳夢不定多情正要人拘管  
無奈綠昏紅暝乘酒興攜兩袖天風飛上蓬萊頂闌  
干獨凭爲喚玉笙來霓裳按舞和月醉花影

金縷詞

送王季境還廣陵

西子湖邊路看依然水光山色自宜晴雨天上歸來  
重載酒惟有舊盟鷗鷺笑鬢影星星如許公子華筵  
涼似水更綠鬢窈窕歌金縷兩晚醉看眉嫵 三生  
書記真豪舉把平生香奩軟語錦囊佳句君到誰南  
明月夜爲問崔娘安否口翻作錦箏新譜只恐驚鴻  
花外起趨行雲直過蒼江去飛不到斷腸處

金縷詞

送土官子東之崑山州幕官

烟草長洲苑渺姑蘇舊遊麋鹿歲華云晚多少吳宮

花月恨春去春來不管只付與行人淒斷君去風流  
賓幕裏把今情古意供裁翦珠唾溼玉烟煖 相逢  
儘看金盃滿信人生好懷有幾夢長緣短白髮  
三千丈底用雲揉雨染且鬪取尊前強健為問浮槎  
還到否便乘之直上三山遠看瀛鳥水清淺

沁園春

讀自太素天籟集戲用韻效其體

客汝知乎載酒輕舟看花小車勝炎州出使瘴浮征  
旆禁門待漏霜滿朝鞞歲去堂堂老來冉冉瓶雀飛  
時手怎遮平生事歎山林迹遠霄漢程賒 從渠夢

蝶疑蛇得放嬾還須自在些甚天荒地老銅臺歌舞  
水流雲散金谷豪華客問先生歸宜早計醉後之言  
可信耶鷗盟在任漁蓑江上雨細風斜

沁園春

泉南初度伯時將北歸諸友宴次賦此  
留別

天上玉堂海外瀛洲山中蛻巖甚六十四歲出持使  
節八千餘里來駐征驂香火緣深功名意薄夢覺仙  
家雪滿簷桐花社喜酒邊鶯燕詩外雲嵐 錦堂容  
我清酣擁畫燭金鉤手屢探怪朗吟御史笑回紅粉  
送歸司馬淚溼青衫蜀魄春多塞鴻秋遠無限離情

老不堪空畱在水光山色江北江南

沁園春

廣陵九日與劉士幹成元璋泛舟邢溝

何許登臨路繞蕪城岡連楚阜愛流雲低響歌催瓊  
樹微波照影人豔仙桃松院移尊柳橋攜袖隨處蘭  
舟且暫捎秋無際望空江雁遠落木天高不妨左  
手持螯更右把金尊送濁醪歎雞臺草暗淒然興廢  
龍山烟冷老矣英豪白髮寧饒黃花任一作儘插要裏  
西風破帽牢劉郎醉把吳箋笑擘試與題糕

沁園春

次韻李元之聽董氏雙絃

誰喚嬌嬈斜插雙絃華筵乍開愛玉纖輕軋半籠翠  
袖歌喉緩引暗點鴛鞋胡部新聲樂工巧製寫出龍  
沙馬上哀哀何似似離鸞驚起白雀飛來 丁寧擊  
節金釵要細聽春風且慢催正宮商分犯拽歸雙調  
伊州入破擷徧二臺畫扇香收羅巾汗溼愁是雲兜  
醉後同花間客任一作儘鸞綃纏髻更盡餘盃

蘇武慢

對雪

凍雨跳空朔雲屯地陡覺夜寒無賴誰從藥闕宴罷  
羣仙一樣珮零珠解應喚馮夷起舞回風攪碎渺茫

銀海倚南窗。清思盈襟，看盡整容斜態。君試問白  
羽鳴絃，青貂束錦，千騎獵歸烟塞。何如倦客，蠟屐枝  
筇，乘與竹邊梅外。隨處堪尋，賣酒人家，春渚水鄉挑  
菜。趁湖山晴曉，吟魂飛上玉峯瑤界。

蘇武慢

歲晚再雪仍用前韻

歲晚江空雪飛，風起老境，若為聊賴。家人解事，準備  
深尊，旋遣夜窗寒解。萍梗孤踪，幻影浮生，萬里喜還  
闕海。但囊中畱得詩篇，爛寫水情山態。真比似一  
箇冥鴻，南來北去，閱盡幾重關塞。名韉利鎖，絆殺英

雄都付醉鄉之外，惟不能忘一舸。吳淞鱸膾，鼓羹蓴

菜，且今宵還我冰壺天地，眼空塵界。

風流子

臨川歲五月祠神以中末二句之六七  
八日張燈游人特盛回憶武陵元夕

荷雨送涼，颺炎塵淨。三市影燈宵看，珠珞翠繩，欲搖  
冰盃綵綳。一作花架光射星橋，洞天好笑聲遮畫扇。  
歌韻合鸞簫瓊樹影中，月窺端正，雲羅香裏，人鬪嬌  
嬈。依稀元夜影，銅壺短還，又露灑烟飄，空遣酒懷  
搖蕩。羈思無聊，想驄馬鈿車俊游，何在雪梅蛾柳舊  
夢難招。醉掩重門，半缸蘭燼紅銷。

風流子

賞箏妓崔愛

梨園供奉曲卿卿解寫入十三絃聽促彈寶柱暮催  
行雨放嬌銀甲春繞飛烟可人處鳳聲啼玉碎燕尾  
點波圓宜與畫看徽容妍麗欲裁詩寄鶯思纏綿  
多情曾相遇歸舟字夢裏尚記遊仙好倩鈿牀纖手  
移近尊前儘何處教吹玉簫明月此情追憶錦瑟華  
年多少舊愁新恨知爲誰傳

疎影

王元章墨梅圖

山陰賦客怪幾番睡起窗影生白縹緲仙姝飛下瑤

淡汀東風顏色微霜恰護朦朧月更漠漠暝烟低  
隔恨翠禽啼處驚殘一夜夢雲無跡惟有龍煤解  
染數枝入畫裏如印溪碧老樹枯苔玉暈冰圈滿幅  
寒香狼藉墨池雪嶺春長好悄不管小樓橫笛怕有  
人誤認眞花欲點曉來妝額

望海潮

丁巳清明日登定海縣招寶山望海

扶桑何許蓬萊何處滄海一望漫漫精衛解填鼉鼉  
可駕凌波直度三韓雲氣有無間只是天是水無地  
無山巖巖鼉掀颶風俄起晝生寒從今不數鯢桓

羨秦人採藥龍伯垂竿槎信未來珠光暗徙羣仙約  
我驂鸞長嘯壯懷况且振衣絕頂醜酒長瀾揮手相  
招片帆飛趁暮潮還

一作

解連環

雷別臨川諸友

夜來風色歎青燈素被早寒欺客想寂寞人在簾櫳  
望雁雁欲來又催刀尺秋滿關河更誰倚夕陽橫笛  
記題花賦月此地與君幾度遊歷江頭楚楓漸赤  
對離尊飲淚難問消息趁一舸千里東歸眇天末亂  
山水邊孤驛晚晚年華悵回首雨南雲北算今古此

情此恨甚時盡得

春從天上來

廣陵冬夜與松雲子論五音二變十二調且品簫以定之清濁高下

還相為宮二然律呂之均雅俗之應也不覺漏下月滿霜空神情爽發松雲子吹存從天上來曲音韻凄遠予亦飄然作霞外飛仙想因倚歌和之用紀客次勝趣是夕丙子孟冬身以三夕也

嫋嫋秋風聽響徹雲間彩鳳啼雄羸女飛下玉珮玲  
瓏腸斷十二臺空渺霜天如海寫不盡楚客情濃燭  
銷紅更鏘金振羽變徵移宮揚州舊時月色歎水  
調如今離唱誰工露葉殘蛾蟾花遺粉寂寞瑤樹香

中問坡仙何處滄江止鶴夢無蹤思難窮把一襟幽  
怨吹與魚龍

春從天上來 同王繼學憲使賦

十里紅樓問警價如今誰滿揚州白髮書記此日重  
遊聽取席上名謳擁冰絃斜竚更爲我斂笑凝眸覓  
黃驢看端端怎比楚楚風流 殷勤研綾小草寫不  
盡宮妝一段春柔淡月疎花知誰消受幾度簾捲香  
收怕巫娥歸去空惆悵夢斷情畱把離愁付行雲行  
雨楚尾吳頭

南浦 艤舟南浦因

花落楚江流過西山雨漲漁村無路雙槳載愁來蘋  
沙外惟有盟鷗相覩春波碧草送君曾是傷情處依  
蒼朝雲飛畫棟秋滿鶴汀鳧渚 斜陽三兩人家青  
旗影裏炊烟一縷絃索夜深船淒涼聽還似西風湓  
浦征鴻去盡夢回明月生烟樹如此山川無限恨都  
付一尊懷古

花心動 劍浦有感

花信風寒綺窗深匆匆禁烟時節燕子乍來宿雨才

晴滿樹海棠如雪黛眉準擬明朝畫燈花翦妝奩雙  
疊負佳約鵲還誤報燕應羞說 寶鏡將圓又缺從  
涇盡銀簧怕吹嗚咽一霎夢魂也喚相逢依黯斷雲  
殘月古來多少春閨怨看薄命無人如妾軟綃帕憑  
誰寄將淚血

綺羅香

雨中舟次涇上

燕子梁深鞦韆院冷半涇垂楊烟縷怯試春衫長恨  
踏青期阻梅子後餘潤畱寒藕花外嫩涼銷暑漸驚  
他秋老梧桐蕭蕭金井斷蛩暮 薰篝須待被暖催

雪新詞未穩重尋笙譜水閣雲窗總是慣曾聽一作經  
處會信有客裏關河又怎禁夜深風雨一聲聲滴在  
疎篷做成情味苦

眉妩

七夕感事

又蛛分天巧鵲誤秋期銀漢會牛女薄命猶如此悲  
歡事人間何限夫婦此情更苦怎似他今夜相遇素  
娥妒不肯偏畱照漸涼影催曙 私語釵盟何處但  
翠屏天遠清夢雲去縱有閒針縷相憐愛絲絲空綴  
愁緒竊香伴侶問甚時重畫眉媿謾鉛淚彈風都付



與洗車雨

喜遷鶯 瓊花

東風吹盡但一片綠陰空留春恨后土祠荒飛瓊謫  
久還喜玉容堪認二十四橋夜月二十四番花信便  
載酒怕芳菲易老陰晴難穩 嬌困羞起晚竚立畫  
闌淨洗閒脂粉沉水濃薰蜂黃淡染自有絕塵香韻  
也知世間無對肯許浮花相近鳳簫遠待數枝折與  
玉峰人問

石州慢 春日雨中

烟雨輕陰庭院悄寒晴意難準社前燕子歸來恰換  
一番花信春光全在杏花紅開枝頭雙鸞銜上金釵  
鬢待到盡開時又臙脂成粉 堪恨西園撲蝶人閒  
芳徑踏青鞋潤簾影惜惜竟日膏騰如困惜花中酒  
尋常過了年年情多那得離愁盡翠被不成溫滿薰  
篝蘭燼

石州慢 題玉笙手卷

仙去緱山燕罷武夷璫響吹徹葦香舊樣親傳琢就  
玉炯凝白悠揚彩鳳恰從雲杪飛來數聲又趁鴛鴦

歌零落碧桃花點春風如雪 清絕更宜秦女銀箏  
喚取楚娥瑤瑟旋炙嬌簧只愁夜深寒咽相看老矣  
刺須陶寫禹連樽前遞把紅牙節歸去畫船時滿西  
湖明月

水龍吟 賦倩雲

無心却恁多情閒愁長向眉尖聚牢籠不定為誰畱  
戀為誰歸去半餉花陰霎見月暝幾番日暮被東風  
攪散離愁惹斷又還趁歌聲駐 只恐珮環臥冷好  
重將繡帷調護何人得似曉妝鬟髻春嬌態度縹緲

樽前朦朧眼底非烟非霧把柔情一縷都隨好夢作

陽臺雨

水龍吟

傅淵道宅上賞紫牡丹

紫雲何處飛來仙家別有藏春洞刻繪紋縐縷檀色  
膩薰臍香重穀雨初晴榆烟新換棟風微動是花姑  
養就韓仙染出還分與人間種 好與密籠繡幄護  
玉環三生妖夢只愁今夜綠叢月老珠房露凍便喚  
秋娘重澆卯酒緩歌低送倩紅鸞與約韶華且任作  
尊前供

水龍吟

次韻王木中賦樓子芍藥。中一作仲

寶樓十二玲瓏仙家只在雲間住金槃舞罷羅裙襞  
綉乘風欲去畫檻移春彩鸞銜信幾番延佇看釵蓮  
疊萼天然宮貴妝臺近有人妒勾引廣陵遺恨倩  
流鶯為花低訴年年長是芳菲時候滿城烟絮春色  
三分落紅千片總成塵土向月明空羨雙雙睡蝶宿  
花房露

水龍吟

西池敗荷

水宮仙子歸來為誰獨立西風背凌波夢斷可憐零

落一奩瓊珮雨葉敲寒露房倒影秋聲驚碎間西亭

翠被將愁何處空畱得餘香在最愛雙飛白鷺鎮

相依蓼邊蘋外舞衫歌扇有人繡出水情雲態西子

湖邊越娘舟上憶會同采甚人今未老花應依舊約

明年再此詞前段妙絕後段不全令人恨恨不已

在趙谷林小山堂得李西涯南詞

本校添為  
之大快

水龍吟 廣陵送客次鄭蘭玉賦蓼花韻

芙蓉老去妝殘露華滴盡珠盤淚水天瀟灑秋容冷  
淡憑誰點綴瘦葦黃邊疎蘋白外滿汀烟穩把餘妍

分與西風染就猶堪愛紅芳媚 幾度臨流送遠向  
花前偏驚客意船窗雨後數枝低入香零粉碎不見  
當年秦淮花月竹西歌吹但此時此處叢叢滿眼伴  
離人醉

水龍吟

鄭蘭玉賦蠟梅工甚予拾其遺意補之

玉人梳貌堪憐曉妝一洗鉛華盡此花應是菊分顏  
色梅分風韻萼點馳酥口攢金磬心凝檀粉甚女真  
染就仙衣絕勝蜂兒重鵝兒嫩 說與玉龍莫品怕  
宮波一般流恨故人堪寄折枝代取江南春信沉水

全薰麝絲密綴額黃深暈乍燕姬未識是花是蠟笑

佞人問

水龍吟

聽房氏自然歌求詞爲賦

春風瑠樹香中數聲恰似流鶯囀歌塵飛下落花起  
舞驪珠脫串荳蔻朱簾牡丹雪嶺小桃人面是自然  
絕藝天然書譜霓裳序六么遍 獨占二分月色向  
樽前幾番會見賞音如此不辭醉墨爲題紈扇浪雨  
閒雲剩香殘黛莫論恩怨看穠華又老情緣未斷寄  
樓中燕

憶舊遊 重到金陵

張麟殘廢井鳳去荒臺烟樹欹斜再到登臨處渺秦  
淮自碧目斷雲沙後庭漫有遺曲玉樹已無花向苑  
寺裁詩江亭把酒暗換年華 雙雙舊時燕問巷陌  
歸來王謝誰家自昔西州淚等生存零落何事與嗟  
庾郎似我憔悴回首又天涯但滿耳西風關河冷落  
疑暮笳

齊天樂

夜宴揚元誠山樓送陳于敬之三山瞿子誠之吳門

闌干十二東風外春藏畫樓鴛瑣蟻炬光濃艷能坐

軟寶鼎旋焙沉火玻璃盞大但有酒須傾有歌須和  
劇飲淋漓萬金良夜莫虛過 中年情緒易惡風流  
青鏡裏消減些箇聞兩程賒吳雲驛遠別恨料應如  
我先拚醉臥任楊柳烟消海棠月墮明日江頭倩誰  
畱畫舸

齊天樂

臨川夜飲滄陽李輔之寓所

紅霜一樹淒涼葉驚烏夜深啼落客裏相逢尊前細  
數幾度雨漂風泊微吟緩酌漸月影斜欹畫欄東角  
只怕梅花無人看管瘦如削 江湖容易歲晚想多

情念我歸信會約塵土狂蹤山林舊隱夢寄草堂猿  
鶴誰懷最惡是酒醒香殘燭寒花薄一段銷凝覺來  
無處著

桂枝香

賞桂楊氏山園夜飲花下有作

天香萬斛盡貯入魏臺辟寒金粟誰喚仙娥睡起露  
妝烟沐翠雲裙袖黃雲襪倚秋風乍驚郎目恨無明  
月高燒蠟炬分陰叢綠深照見涼禽並宿愛搖豔  
瑤盃花影堪掬寸夢絲絲舊約尚堪重續何時卜隱  
西湖上葺緗荷芳杜爲屋小山人遠魂招不來謾歌

遺曲

博按舊本上卷止此木蘭花慢二闕  
真珠簾一闕俱入下卷今從原本

木蘭花慢

次韻陳見心文學孤山問梅

壓西湖千樹曾幾度爲攜尊向柳外停撓苔邊待鶴  
酒熟詩溫瀛洲舊時月色悵荒涼惟有數枝存天上  
梨花成夢江南桃葉移根如今憔悴客愁村難返  
暗香魂甚歲晚春遲角寒笛曉雪暗雲昏登臨不堪  
寄目但青山隱隱月紛紛再約與君同醉從他啄木

敲門

木蘭花慢

題紅犀扇面

記西湖送別曾共綰綠楊絲  
悵木去雲回佳期杳渺  
遠夢參差重來訪鄰尋里  
愛卿卿不減舊風姿不著  
銀箏清怨難題紈扇相思  
暗香銷盡合歡枝畱在  
錦囊詩又越北閩南秋隨  
雁影花老鶯兒應綠采春  
情重便鑑湖春色戀微之  
扶起曉窗殘醉潮平月落  
多時

真珠簾

壽韓伯清提舉時在平江

銀蟾半露嬋娟影西風早次第  
中秋天氣涼透小簾  
櫳乍夜長遲睡見說靈巖山色好甚也不濃如歸意

歸未趁西泠載酒南園尋桂  
還又客裏生朝把金  
樽綠酒與誰同醉烟雨隔垂虹  
望美人秋水桃葉妝  
樓團扇曲但小草鸞牋相寄傳  
示送白蘋一翦碧雲  
千里

蛻巖詞卷上

蛻巖詞卷下

河東張翥仲舉著

丹鳳吟么鳳

蓬萊花鳥記並宿苔枝雙雙嬌小海上仙姝喚起綠  
衣歌笑芳叢有時遣探聽東風數聲啼曉月下人歸  
淒涼夢醒悵愁多歡少念故巢猶在瘴雲杪甚閉  
入雕籠庭院深悄信斷羈雌遠鎮怨情縈繞翠襟近  
來漸短看梅花又還開了縱解收香寄與奈羅浮春  
杳



高陽臺

題趙仲穆作陳野雲居士山水便面

染黛浮空凝妝佇遠數峰底事含顰十樣新眉從他  
雨抹烟勻龍綃便面宜歌舞看亭亭玉骨冰神幾銷  
魂翠被餘香錦瑟清塵 如今歸去湖山畔對一川  
平野一片閒雲兩兩漁舟相過桂渚蘭津誰將玉斧  
脩明月奈瑤樓高處無人憶王孫芳草江南啼鴉殘  
春

百字令

眉間雁

曉妝乍了又翩翩何許飛來臨鏡欲寄相思無一字

拈起芳心重省鬢鞦雲低眉顰山遠去翼宜相映嬌  
波頻送恍如秋水涵影 幾度揉損啼紅恨卿卿不  
到吳江楓冷一點風流應解妒翡翠雙鈿相並忘入  
香奩時偎繡枕看足宮花暝多情翦就忍教分做孤  
另

百字令

蕪城晚望

碧天向晚遠雲開疑是江南山色渺渺孤鴻殘照外  
獨上高城望極雞散臺空螢沉苑廢龍去溝無迹英  
雄安在千秋恨血凝碧 我欲攜酒重來佛狸祠下

字暗蒼苔石社鼓神雅渾不見一片青青薺麥夜月  
瑤枝春風水調宵慰淹畱客翩然歸去天風扶下雙  
鳥

玉蝴蝶 春夢

屏裏吳山深窈宿醒未解午枕初甜膽怯窗虛驚起  
誤使人嫌是乳鴉聲綠樹是語燕兩兩朱簾轉愁  
添斜翹不正墮珥慵拈 厭厭行雲飛去瀟湘江上  
巫峽峯尖不盡銷凝海棠月上已窺簷蝶粉寒羞薰  
翠被燈花瘦懶疊香奩倚春纖暗啼妝淚半袖紅淹

東風第一枝

憶梅

老樹渾苔橫枝未葉青春宵誤芳約背陰未返冰魂  
陽梢已含紅萼佳人寒怯誰驚起曉來梳掠是月斜  
花外么禽霜冷竹間幽鶴 雲淡淡粉痕漸薄風細  
細凍香又落叩門喜伴金樽倚闌怕聽畫角依稀夢  
裏半面淺窺朱箔甚時得重寫鸞牋去訪舊遊東閣

陌上花

使歸閩浙歲暮有懷

關山夢裏歸來還又歲華催晚馬影雞聲諳盡倦郵  
荒館綠牋密記多情事一看一回腸斷待殷勤寄與

舊遊鶯燕水流雲散 滿羅衫是酒香痕凝處唾碧  
啼紅相半只恐梅花瘦倚夜寒誰暖不成便沒相逢  
日重整釵鸞爭雁但何郎縱有春風詞筆病懷渾嬾

定風波

商角調

西江客舍酒後聞梅花吹香

滿窗醒而賦此

恨行雲特地高寒牢籠好夢不定婉婉年華淒涼客  
況泥酒渾成病畫闌深碧窗靜一樹瑤花可憐影低  
映怕月明照見青禽相並 素衾正冷又寒香枕上  
薰愁醒甚銀牀霜凍山童未起誰汲牆陰井玉笙殘  
錦書迴應是多情道薄倖爭肯等閒孤負西湖春興

八聲甘州

秋日西湖汎舟午後遇雨

向芙蓉湖上駐蘭舟淒涼勝遊稀但西冷橋外北山  
堤畔殘柳依依追憶鶯花舊夢回首冷烟霏惟有盟  
鷗好時傍人飛 聽取紅筵象板儘歌回彩扇舞換  
仙衣正白蘋風急吹雨暗斜暉空惆悵離懷未展更  
酒邊忍又送將歸江南客此生心事只在漁磯

聲聲慢

九日汎湖遊壽樂園賞菊時海棠花開

西風墜綠喚起春嬌嫣然困倚修竹落帽人來花豔  
乍驚郎日相思尚帶舊恨甚淒涼未收妝束吟鬢底

伴寒香一朵並簪黃菊 却待金盤華屋園林靜多情怎禁幽獨蛺蝶應愁明日落紅難觸那堪雁霜漸重怕黃昏欲睡未足翠袖冷且莫辭花下秉燭

聲聲慢

揚州箏工沈生以虞學士浣溪紗求賦

金鑾學士天上歸來蘭舟小駐蕪城供奉新詞幾度慣賦鳴箏相逢沈郎絕藝爲樽前細寫餘情問何似似秦關雁度楚樹蟬鳴 我亦從來多感但登山臨水慷慨愁生一曲哀彈只遣髯變魂驚行期買花載酒趁秋高月朗風清須盡醉聽江頭腸斷數聲

掃花遊

落紅

洗春雨急碎萬點胭脂蕩空無影館娃骨冷悵香銷麝上淚殷玉井莫怨東風自古佳人薄命掩鸞鏡縱補得茜癩妝壞難整 芳事誰管頌但蜜膩蜂房蘚斑鴛徑一簾晝永綠陰陰尚有絳趺痕疑彩筆招魂已是繁華夢醒佇芳景換西湖錦雲千頃

水調歌頭

街河舟中

中夜正無寐何處櫓聲來河聲不堪強聒更聽雁聲哀月色依依偏照霜氣蕭蕭漸緊何以解離懷明發

出處言卷一  
吾無策惟有快銜盃 過重陽都未見菊花開遙知  
數叢籬下破藥映書齋三十六陂烟水二十四橋風  
月天遣幾時回傳語閒鷗鷺相望莫驚猜

水調歌頭

己丑初度是歲閏正月戲以自壽

三十九年我老色上吟髭生辰月宿南斗正合退之  
詩今歲兩逢正月準算恰成四十歲暮日斜時臘翫  
削紅玉湯餅煮銀絲 炷爐香飲盃酒賦篇詞蕭然  
世味前身恐是出家兒天下誰非健者我輩終爲奇  
士一醉不須辭莫問黃楊厄春在老梅枝

鳳凰臺上憶吹簫

聽沈野雲吹簫醉後有賦

琪樹鏘鳴春冰碎落玉盤珠瀉還停漸一絲風嫋悠  
颺青冥疑把紅牙趁節想有人記豆銀屏何須數琵琶  
漢女錦瑟湘靈 追思舊時勝賞醉幾度西湖山  
館池亭慣依歌花月按舞娉婷歲晚相逢客裏且一  
樽同慰漂零君休惜吳音朔調盡與吹聽

玉漏遲

春日有懷

病懷因酒惱依稀夢裏吳娃嬌小金縷歌殘人去月  
斜雲杳怕見棲香燕晚又怕聽啼花鶯曉庭院悄生

蝶巖詩卷下  
衣欲試風寒猶峭 窈窕青粉牆低送影過鞦韆  
然閒笑半朶棠梨微露鳳釵紅嫋近日琴心倦寫更  
遠信西沉青鳥虛負了花月一春多少

一枝春

開蟻

霧翅烟鬢向雲窈闕巧宮羅輕翦翩翩鬢影側映寶  
釵雙燕銀絲蠟蒂弄春色一枝嬌顛誰網得金玉飛  
錢結成翠羞紅怨 燈街上元又見鬧春風簇定冠  
兒爭轉偷香傅粉尚憶去年人面妝樓誤約定何處  
爲花畱戀應化作曉夢尋郎採芳徑遠

滿江紅

錢舜舉桃花折枝

前度劉郎重來訪元都燕麥回首地暗香銷盡暮雲  
低碧啼鳥知人悵望東風不管花狼籍又淒淒紅  
雨夕陽中空相憶 繁華夢渾無迹丹青筆還畱得  
恍一枝常見故園春色塵世事多吾欲避武陵路遠  
誰能覓但有山可隱便須歸栽桃客

滿江紅

次韻耶律舜中禱亭觀潮

望入西泠乍一線濤頭湧白疑海上鼇山翻動鵬搏  
風積銀漢迢遙樣有信秋光浩蕩雲無迹快醉揮吟

筆倒瓊瑰馮夷宅 沙草遠迷烟嶺雲樹老欹宮壁  
歎潮生潮落幾時休息事往空遺亡國恨鳥飛不盡  
吳天碧正銷凝何處夕陽樓人橫笛

意難忘

妓邊韻釋以善歌求賦

高韻天成問當時愛愛得似卿卿江梅風致別楚蕙  
雪香清花婉婉月盈盈寫不盡才情把舊遊名謳試  
數誰解新聲 詩家只有楊瓊向吳姬叢裏轉更分  
明金閨春思怯翠被暮寒生人欲去酒還醒黯此際  
銷凝待翦將江雲數尺與染丹青

露華

玉簪

瀛洲種玉總付與花神月底深劖琢就瑤笄光映鬢  
雲斜轟幾度借取搔頭別試漢宮妝束風露冷幽香  
半襟淡佇闌曲 亭亭雪豔愁獨愛粉沁冰箭鬢撚  
金粟石上那回磨斷爭忍輕觸一自楚客歸來珠履  
舊遊誰續秋夢起殘妝半簪墜綠

孤鸞

題錢舜舉仙女梅下吹笛圖

江皋空闊更半雲輕風些兒微雪倚樹仙姬翠袖暮  
寒應怯閒拈玉龍自品愛冰姿與花爭潔一闋霓裳

乍了又落梅初疊 怕曲終人去彩雲絕便夢斷瑤  
臺春思愁結 那堪綠毛么

鳳向苔枝數聲啼咽 留得餘香滿袂已西山斜月

江城梅花引

九日李梅同開汪國才折以請賦

玉兒睡起帕蒙頭更嬌柔見郎羞編袂仙人一笑豔  
明眸粉瘦紅愁春夢斷畫欄畔對西風憶舊遊 憶  
君恨君思悠悠怕淒涼不耐秋豔絕韻絕香更絕特  
地風流宜與雲鬢雙插倚妝樓月又漸低霜漸冷花  
似雪滿蒼苔總是愁

洞仙歌

辛巳歲燕城初度

功名利達任紛紛奔競縱使得來也僥倖老眼看多  
時鐘鼎山林須信道造物安排有命 人生行樂下  
對月臨風一詠一觴且乘興五十五年春南北東西  
自笑一作歎萍蹤久無定好學取淵明賦歸來但種柳  
栽花便成三徑

最高樓

爲山村仇先生壽

方寸地七十四年春世事幾浮雲躬行齋內蒲團穩  
耆英社裏酒杯頻日追遊時嘯詠任天真 喜女嫁



男婚今已畢便束帛安車亦宜出無一事挂閒身西  
湖鷗鷺長爲侶北山猿鶴莫移文願年年湯餅會樂  
情親

風入松 廣陵元夜病中有感

東風巷陌暮寒驕燈火鬧河橋勝遊憶徧錢塘夜青  
鸞遠信斷難招蕙草情隨雪盡梨花夢與雲銷客  
懷先自病無聊綠酒負金蕉下帷獨擁香篝睡春城  
外玉漏聲遙可惜滿堦明月更無人爲吹簫

風入松 清明日湖上卽事

尋春春在鳳城東羅帕玉花驄美人半暈垂鞭袖遊  
塵遠目斷雲空淺碧湖波雪漲淡黃官柳烟蒙相  
如多病賦難工宿酒更頻中歸來自按新聲譜憑誰  
解唱與東風一夜小窗疎雨杏花明日應紅

婆羅門引

七月望西湖舟中觀水燈一鼓歸宴楊  
山居山樓達曙

暮天映碧玻璃十頃蕤珠宮金波湧出芙蓉誰喚川  
妃微步一色夜妝紅看光搖星漢起舞魚龍八月華  
正中畫船漾藕花風聲度鸞簫縹緲雁柱玲瓏酒闌  
興極更移上瓊樓十二重殘醉醒烟水連空

江神子

吳門席上羅生求賦

闌閣城外綠楊枝一絲絲比吟髭比似吟髭不似少  
年時剩欲同攜樽酒去青翰舫縷金后故人相見  
減風姿淡胭脂比紅兒比似紅兒扶醉索新詩明日  
片帆江水遠人去也又相思

江神子

惜花

牡丹芍藥冠池臺縷金盃錦雲堆最恨顛風橫雨故  
相催國色天香虛過了紅片片臥蒼苔綠陰籬落  
暗香來野酴醿刺玫瑰照眼遺芳爛熳趁晴開縱使

專春春有幾花到此已堪哀

江神子

祝頂

合歡花樣滿池嬌用心描數鉞挑面面芙蓉間葉映  
蘭茗刺到鴛鴦雙比翼應想像為魂銷巧盤金縷  
綴倡條隱紅綃翠妖饒白玉函邊幾度墜鸞翹汗粉  
啼紅容易澁須愛惜可憐省

感皇恩

題趙仲穆畫凌波水仙圖

湘水冷涵秋行雲平貼時見驚鴻度蘋末霧鬢烟珮  
微步一川涼月軟波擊不定龍綃襪楚楚紺蓮情

惜瑤瑟照影明璫兩清絕  
汜人何處起舞爲誰輕別  
數峰江上晚和愁疊

行香子 山水便面

佛寺雲邊茅舍山前樹陰中  
酒旆低懸峰巒空翠溪  
水清澗只欠梅花欠沙鳥欠漁船  
無限風烟景趣  
天然最宜他隱者盤旋  
何人村墅若箇林泉恰似款  
湖似枋口似斜川

行香子 止酒五首

酒量無多不飲從他看黃瘡  
似隔山河淵明自止醉

尉誰呵也真豪吟莫狂舞莫高歌  
鷗外風波螭角  
干戈算百年一夢南柯  
閨人傳舍隨處行窩便富  
天氣蓋世待如何

行香子 其二

謝董爨邱罷醉鄉侯更開除  
從事青州長甌儘臥大  
白休浮本欲成歡翻引病  
不銷愁 今日空喉明日  
扶頭甚實中筵下堪羞  
客應嗔斷婦不須謀  
指水爲言山作誓有盟鷗

行香子 其三

傳癖詩道野逸山驪是幽人平日稱呼過如飯袋勝  
似錢愚儘我爲牛人如虎子非魚 石鈔風爐雪盃  
冰壺有清茶可潤腸枯生沮何許機事全疎但伴牢  
愁盤礪蠹鼓嚨胡

行香子 其四

水遠天低雪意垂垂火爐頭煨芋燃其蒲團穩坐紙  
帳低圍且放些慵補些拙學些癡 休惹羣兒唱起  
銅鞮笑山翁醉倒如泥誰分蝶羸莫近鷓夷把獨醒  
人沉醉者兩忘機

行香子 其五

擾擾閻浮清濁同流費精神補喜填憂歲云暮矣卿  
可歸休有板支頤書遮眼被蒙頭 螻蟻王侯華屋  
山邱待他時老去優游築間茅屋買箇黃牛種芋成  
區瓜作圃稻盈疇

破陣子

七夕戲詠

此夕天孫河鼓多情駭女癡見鵲駕年年仍遠渡蛛  
合家家長巧絲星期莫怨咨 迢遞金釵私語淒涼  
紈扇宮詞奔月姮娥催去路行雨巫山空夢思都無

重會時

定風波

崑山盛澤席上

舞袖歌鬟簇畫堂就中偏是展家娘待道一作無情  
還有思恰似崑山日暖鳳求凰海上潮生人盡醉  
催起蘭舟分散不成雙回首元都春夢裏從此桃花  
應自怨劉郎

蝶戀花

柳絮

陌上垂楊吹絮罷愁殺行人又是春歸也點點飛來  
和淚灑多情解逐章臺馬瘦盡柔絲無一把細葉

青鞵聞却當時畫惆悵此情何處寫黃昏淡月疎簾

下

漁家傲

舟行自西溪至秦川荷花一望百里雲錦中

紅白芙蓉千萬朵水仙恰試新梳裹縞袂霞衣爭婀娜  
柳香露墮凌波忽載行雲過正好玩芳停畫舸尊  
前自唱無人和惟有沙鷗三兩箇飛近我夜涼同向  
花間臥

臨江仙

次韻山村先生賦柳

搖蕩春光湖上路多情偏識倡條畫船繫在赤闌橋

花飛人別處綠暗雨休朝  
惱亂東風扶不起空憐  
燕姁鶯嬌舞衣香冷董嬌嬈相思無限恨猶似舊宮  
腰

臨江仙 梁山舟中二首

羨殺漁家生處樂隔灣數點青燈蓑衣忘在石磯層  
蓼花秋釀酒楓樹一作晚垂簷時向瓦甌篷底醉  
往來鷺侶鷗朋老翁倚棹坐曹騰有魚吾欲買搖手  
不能磨

臨江仙 其二

羨殺漁村無畔岸茫茫楊柳蒹葭雨餘秋漲沒汀沙  
驚鴻投別渚浴鳥坐沉槎殘日籬頭閒曬網垂髻  
來賣魚蝦得錢沽酒徑歸家一聲橫笛外烟火隔蘆  
花

唐多令 寄意筓篔篹曲

花下鈿篔篹樽前白雪謳記懷中朱李曾投鏡約釵  
盟心已許詩寫在小紅樓忍淚上雲兜斷魂隨彩  
舟等閒閒惹得離愁欲寄長河魚信去流不到白蘋  
洲

虞美人

題臨川葉宋英千林白雪多自度腔宋英自號峯居

千林白雪花間譜價重黃金縷樽前自聽斷腸詞正  
是江南風景落花時紅樓翠舫西湖路好寫新聲  
去為憑宮羽教歌兒不道峯居才子髻如絲

南鄉子

驛夫夜唱孤雁隔舫聽之令人淒然

野唱自淒涼一曲孤鴻欲斷腸恰似竹枝哀怨處瀟  
湘月冷雲昏覓斷行離思楚天長風閃青燈雨打  
窗驚起小紅樓上夢悠揚只在佳人錦瑟傍

南鄉子

秋日湖上賞木芙蓉

秋色照波明夾岸芙蓉似錦城  
罨畫樓臺紅粉面輕盈未許黃徐寫得成  
一舸載楊瓊共醉花前玉管聲猶記青鸞和月跨三生  
我是仙家石曼卿

鵲橋仙

丙子歲予年五十酒邊戲作

功名一餉風波千丈已與閒居認狀平生一步一崎  
嶇也攢到盤山頂上梅花解笑青禽能唱容我尊  
前疎放從今甘老醉鄉侯筭不是麒麟畫像

鵲橋仙

子生丁亥歲戊子日今戊戌歲初度亦戊子日偶作

生朝戊子今朝戊子五十八年還是頭童齒豁可憐

人也召入詞林脩史 前生偶爾後生偶爾但喜心  
頭無事從來不解學神仙怎會得長生不死

鷓鴣天 為朱氏小妓繡蓮賦三首 一作繡簾

半臂京綃穩稱身玉為顏面水為神一痕頭道分雲  
綰兩點眉山入翠顰 丹杏小碧桃新雛鶯恰轉上  
林春平生慣是聽歌耳除却蓮兒只一人

鷓鴣天其二

一曲吳歌酒半酣聲聲字字是江南書憑仙苑青鸞  
遞花助妝樓粉蝶銜 飛燕瘦寶兒憨已妍還慧更

巖巖無因翦得湘江水與蘸春雲作舞衫

鷓鴣天其三

乍學琵琶已斷腸錦絲銀甲玉懸璫春風瓊樹聲逾  
穩秋水芙蓉字亦香 微斂笑淺勻妝何須重覓杜  
韋娘休教月底清歌去怕趁行雲上鳳凰

浪淘沙 臨川文昌樓望月

醉膽望秋寒星斗闌干小窗人影月明間客裏不知  
歸是夢只在吳山 行路自來難長缺休彈黃塵到  
底沈儒冠一片白鷗湖上水閒了漁竿



摘紅英 春雨惜花

鶯聲寂場聲急柳烟一片  
春雲溼驚人困教人恨待  
到平明海棠應盡青無力  
紅無迹殘香賸粉那禁  
得天難準晴難穩晚風又起  
倚闌爭忍

戀繡衾 春晴中酒

醉鄉殘夢鶯喚醒見柳梢日影弄明  
又悞了尋芳伴  
減東風庭院笑聲玉兒扶起仍嬌困  
索櫻桃芳露  
解醒縱病也心情好比別離滋味較輕

惜分飛 寫夢

相見依然人似舊比似一作去誤年時較瘦  
笑問平安否  
不言低掩羅衫袖便欲窗前推枕就  
無奈紅僝綠  
慙驚起空回首半牀斜月疎鐘後

太常引

素娥風韻自天真似回雪趁行雲  
眉黛任長顰正宜  
看啼妝未勻扇犀輕按袖羅低掩  
一曲廣陵春飛  
盡畫梁塵會數到梨園幾人

朝中措

湖堤晚歸望葛嶺諸山倒影水中昔趙文敏公常欲畫此故及之

梅花處處滿枝開酒力蕩吟懷  
烟染藏鴉萬縷東風

扶起春來 幽禽啼樹戲魚跳日水碧如苔若箇仙  
翁畫得翠微倒影樓臺

憶秦娥

江南北金鞍一去空消息空消息雞聲月店雁聲霜  
驛春醪誰道濃無滴十分滿引渾無力渾無力離  
愁如海怎生乾得

憶秦娥

金杯側東風易醉多情客多情客送君南浦送春南  
陌落花巧如羅裙色舞紅變盡休輕拆休輕拆待

他歸看舊時寬窄

清平樂

盛子昭花下次伸美人圖

階前晝永繞石芭蕉影半暉雲鬢慵不整寂寞朝醒  
乍醒湘裙翠被風流背人無限嬌羞玉腕一雙跳  
脫欠伸渾是春愁

清平樂

寄山居道人約看杏花

東風陣陣第幾番春信駭李癡桃消息近寫取鸞牋  
試問君家楊柳牆東杏花初吐生紅好喚一牀金  
鴈明朝來醉春風

清平樂 酒後二首

先生醉矣是事忘之矣欲友古賢誰可矣嚴子真其人矣  
問渠辛苦征鞍何如自在漁竿終辦一邱隱  
計西湖鷗鷺平安

清平樂 其二

先生醉也甚矣吾衰也萬物不如歸去也陶令真吾師也  
籬邊菊蕊初黃為花準備攜觴只恐不如人意風風雨雨重陽

好事近 寒夜

門外晚風生鼓角城頭欲動霜月滿天如水漸夜深  
寒重 幽人擁被醉模糊無愁也無夢只有些兒心上怕梅花清凍

謁金門 寒食臨川平塘道中

溪水漫岸口小橋衝斷沾酒人家門巷短柳陰旗一半  
細雨鳴鳩相喚曲港落花流滿兩兩睡紅鸚鵡  
暖惱人春不管

謁金門 效前人首句用山人字醉中荅友

山人坐把酒歌呼相和起舞儘教烏帽墮歸來頭不

裏 浮世人情歷過身外虛名參破除却醉鄉無別  
箇神仙天地我

謁金門 酒後偶憶

春幾許紅透數枝花雨管領風光誰是主酒邊人楚  
楚 好與寫將樂府剽與畫教眉嫵醉後不知庭院  
午隔簾雙燕語

菩薩蠻 贈鴈

人隨鴈鴈俱南去鴈應先到憑傳語若問錦書無人  
歸不得書 歸期還信否准在梅花後烟樹短長亭

只爭三四程

菩薩蠻

郎情秋後蕭疎葉妾心陌上悠揚蝶何處望歸鞍春  
雲山外山 梨花新月下獨自燒香罷准有夢相尋  
鷺鳥啼夜深

浣溪沙 廣陵席上賦別三首

偶約尊前已目成琵琶私語更分明如今翻作斷腸  
書 彩扇舊歌憐楚楚青樓薄倖怨卿卿海枯石爛  
古今情

浣溪沙 其二

珍重千金一諾同  
小紅樓上舞筵中  
誰知別路太匆匆  
愁殺二分無賴月  
憑將萬里有情風  
為傳消息  
宋家東

浣溪沙 其三

數載相看欲話難  
酒邊失口却成歡  
空添別恨與眉端  
流水有聲傳錦瑟  
行雲無夢赴青鸞  
關河秋雨  
客窗寒

浣溪沙 臨川別席

昨夜花前送玉鍾  
綠鬟歌罷落梅風  
不知離思為誰濃  
醉語低回銀燭背  
夢雲重疊繡幃中  
只愁歸路  
見芙蓉

浣溪沙

一點芳心兩翠蛾  
惱人離緒不勝多  
尊前忍聽渭城歌  
花落烏啼春去也  
水長天遠客愁何  
此情何處  
託微波

點絳脣 舟行書見

風起雲飛  
蘭舟競入橫塘  
住惱人何處  
隔岸花籠霧

一水盈盈難送凌波步空相覩正如牛女隔斷銀

河路

昭君怨

昔人賦昭君詞多寫其紅悲綠怨作此

名  
看取蛾眉妒寵身後誰如遺塚千載草青青有芳

如夢令

月似二年前好人比二年前老今夕又鯨川但欠酒  
杯傾倒聞道聞道三徑漸荒秋草

鵲鵲天

贈永南琵琶妓

玉手琵琶半醉中從容

一作慢撚復輕攏青衫司馬

情偏感翠袖紅蓮藝更工

從教花淡汀月朦朧歸來無

語立東風汗巾紅漬檳榔液錯認窗前唾繡絨

踏莎行

江上送客

芳草平沙斜陽遠樹無情桃葉江頭渡醉來扶上木  
蘭舟將愁不去將人去薄劣東風天邪落絮明朝  
重覓吹笙路碧雲江雨小樓空春光已到銷魂處

踏莎行

題趙善長正元章為楊核合寫三友圖

雨澗天寒孤山雪後美人空谷誰爲友香林有路玉  
烟深瀛洲無夢朝雲瘦 照影冰壺含情翠袖寫生  
合在徐黃手仙家花月鎮長春與君歲晚同三壽  
蛻巖河東人幼從父官于杭與貞居子張伯雨俱  
學于仇山村先生之門故詩文俱有源本而詞筆  
亦復俊雅不凡足繼白石梅溪草窗玉田諸公之  
後惜山村伯雨詩集僅存而詞只三數闕使人有  
零珠斷璧之恨不若蛻巖詞二卷一百二十餘首  
之完好無恙也是本爲予友金君繪白鈔于龔田

居侍御家予從繪白令子以寧借鈔遂得充几席  
研玩之娛侍御所藏異書甚多庄平清介自處罷  
官後絕不竿牘當事貧至食粥聞其身後書籍大  
半散佚矣爲之累歎

雍正改元十月二十三日樊榭生厲鶚書

近得張外史貞居詞一卷又校定蛻巖詞訛字消  
遣餘春殊不冷落

蛻巖詞卷下

